

Klub zastupnika/Skupština KS

9. Radna sjednica

Datum: 03.10.2023.godine

Predmet : INICIJATIVA

Uputiti: -Predsjedavajući Skupštine Kantona Sarajevo

-Vlada Kantona Sarajevo

-Ministarstvo za rad, socijalnu politiku, raseljena lica i izbjeglice Kantona Sarajevo/ Ministrica
Enda Pavić Pečenković

-Lokalne zajednice u Kantonu Sarajevo

Na osnovu Poslovnika Skupštine KS, upućujemo inicijativu Vladi KS i resornom ministarstvu za planiranje sredstava u Budžetu Kantona Sarajevo za 2024. godinu za projekat podrške porodiljama kao nosilac aktivnosti uz sufinansiranje sa lokalnim zajednicama u KS putem "Torbe za porodilje" sa osnovnim potrebštinama za bebu i majku i sa priručnikom „Prvi dani s bebom“

Obrazloženje :

Vlada Kantona Sarajevo je prepoznala problem pada nataliteta i svojom mjerom pomoći porodiljama od 1.000 KM napravila važan iskorak, gdje se i prema zvaničnim statističkim podacima mogu vidjeti rezultati.

Klub zastupnika u razgovoru sa predstavnicom Instituta za majku i dijete u potpunosti podržava ideju i navedeni projekat, sigurni smo da će inicijativa dobiti podršku i Vlade KS kao još jedna systemska mjera podrške porodiljama. Projekat je izrada torbi za porodilje sa opremom neophodnom za prve dane bebe i knjigom „Prvi dani s bebom“ koja će biti vodič majkama da na najbolji način djetetu pruže potrebnu njegu. Kanton Sarajevo bi i u ovom slučaju bio prvi u Bosni i Hercegovini kao i u slučaju visine naknade za porodilje. Sigurni smo da će Vlada KS prihvatiti ovu inicijativu kao nastavak pozitivne demografske politike i u dogovoru sa lokalnim zajednicama KS definisati način finansiranja.

Naša zemlja spada u kategoriju zemalja sa katastrofalnim brojkama i procjene kažu da se Bosna i Hercegovina suočava sa dramatičnim padom stanovništva i ako se trenutni trendovi nastave: za

manje od 50 godina, u zemlji će živjeti nešto više od milion i po ljudi, navodi se u analizi koju je objavio Populacioni fond UN-a (UNFPA). Problem pada nataliteta ima svoje razloge koji su kod nas siromaštvo, nesigurnost i odlazak mladih u druge zemlje. Potrebno je reagovati i kao društvo učiniti sve da ovi razlozi postanu minorni kako se naša zemlja ne bi suočila sa posljedicama pada nataliteta a to su: manje beba, manje posla, usporen rast BDP-a, manje djece u školama i dr.

Ova praksa je već odavno zaživjela u svijetu među kojima prednjači Finska koja već 78 godina svakoj porodilji dodjeli kutiju za bebe sa potrebnom opremom za novorođenče. Finska je 1938. godine uvela ovu mjeru zbog velike smrtnosti beba. Cilj je bio potaknuti majke da idu redovno na kontrole kod ljekara, ali i da svaka novorođena beba ima isti početak u životu. Ovaj program je preživio strahote Drugog svjetskog rata i danas se primjenjuje. U Velikoj Britaniji se provodi pilot-projekt u bolnici Queen Charlotte's and Chelsea. Postoje i deseci sličnih projekata u SAD-u, od kojih se najveći provodi u Fort Worthu u Texasu, gdje je mortalitet beba najveći i iznosi 7,1 na hiljadu, u odnosu na američki prosjek od 5,9. U australskoj Victoriji i kanadskoj Alberti također se provode slični pilot-projekti još od 2015. U našem okruženju postoji takva praksa npr u Republici Sloveniji. Najvrjedniji doprinos ovog projekta je onaj simbolički – torba za porodilje bi bila simbolom jednakosti i vrijednosti. **JEDNAK POČETAK ZA SVE.**

S poštovanjem

Elvis Vreto

Klub zastupnika NiP KS